



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 663. Quis sit effectus substitutionis exemplaris.

[urn:nbn:de:hbz:466:1-73957](#)

parentes iis faciant. dum verò quidam ex iis antevitum animi vel corporis fecerunt sibi testamentum, illud per post supervenientem vitium non infirmatur. L. 18. L. 20. §. 4 ff. qui testam. fac. possunt. Lauterb. l. c. adeoque in iis saltem quod ad bona illorum propria substitutio haec locum non habet. E contra liberis illegitimis pater substituere nequit. L. 10. §. 6. ff. de vulg. Hahn in ff. eod. num. 8. Bardil. de subst. d... ib. 14. Lauterb. §. 39. atque ita pater naturalibus ex concubina natis substituere nequit; cum Imperator cit. L. 9. c. de vulg. utatur nomine filii, quod naturali non competit juxta L. 6. ff. qui sui & alien. juris. & his tantum substitui possit à patre, quibus legitimam debet. cit. L. 9. quam non debet naturalibus juxta L. 27. & 28. c. de inoff. testam. Secus tamen est in matre, qui naturalibus substituere potest. L. 29. §. 1. ff. de inoff. testam. injustis tamen & ex damnato concubitu natis liberis neque pater, neque mater substituere potest per novel. 74. c. fin. & novell. 89. c. fin. Lauterb. l. c. §. 40. in fine.

3. Resp. ad tertium: nequeunt parentes exemplariter substituere quasvis indifferenter personas, sicut possunt in substitutione pupillari, sed certum ordinem in iis substituendis servare debent; cum substitutio pupillaris funderetur in patria potestate, exemplar in humanitate Lauterb. l. c. §. 44. ordo vero servandus hic est ut, si illi, quibus substituitur liberos habeant, hi primò substituendi sunt, cujuscunq; sint gradus, five nati, five nascituri Muller. ad ff. de vulg. ib. 34. Lit. a. sed, qui nati sunt, sint fanæ mentis. Lauterb. l. c. non tamen filii adoptivi illius, qui postea incedit in furem, necessariò sunt substituendi, tum quod respectu patris sunt extranei; tum quod illis relinquunt legitemam necessè non sit. Muller. l. c. Lit. b. idem dicens de arrogatis. Licet autem sufficiat unum vel aliquot vel omnes substitui juxta cit. L. 9. quia tamen substitui unum alterum ne nimis durum videtur; cum calamitas patris & furor non debeat privare ceteros portione ipsis naturâ debita, Bachov. ad Trent. vol. 2. d. 11. th. 10. Lit. e. aliosque dd. communiter sentire, omnes esse substituendos, ait Lauterb. l. c. verum non apparere, qualiter sententia haec aquifissima cum cit. L. 9. conciliari quaest, dicit apud eundem Stryck. si autem illi descendentes non habeant, substituendi necessariò sunt eorum fratres, intellige proprietales j. quales quia non sunt patruelis dum quandoque fratres vocantur, necessariò substituendi non sunt. Muller. l. c. Lit. y. cum aliis fratribus tamen annumerantur sorores. L. 35. ff. de paclis & quandiu haec supersunt, non licet substituere alium; ita etiam, ut licet statuto patruis furiosi admittatur ab intestato una cum furioso sorore; nihilominus sola soror sit substituenda; & si cum ea substitutus esset patruus, hujus portio accresceret sorori. Bardil. de subst. Justinian. ib. 20. Muller. cit. Lit. y. substitui autem possunt ex fratribus, ut dictum de filiis, unus vel certi vel omnes juxta cit. L. 9. ita quidem, ut pater substituere teatetur fratres germanos & consanguineos; mater germanos & uterinos & non consanguineos. Negat tamen apud Lauterb. Stryk. in hoc casu patrem posse excludere matrem filiorum mente captorum; & vice versa substituendo fratres. idem tenent Bald. in cit. L. 9. c. de vulg. num. 35. in fin. Gomer. L. 1. var. resol. c. 6. num. 7. & alii apud Muller. ad Struv. inff. de vulg. ib. 34. Lit. e. contrarium tenentibus Trentac. de subst. p. 3. c. 5. num. 12. Ludvvel. de ult. vol. p. 314. Struv. ad Muller. LL. cit. eo

quod Imperator in cit. L. 9. nullam planè mentionem parentum, sed solorum filiorum & fratum substituendorum fecerit. Ad haec in substitutione pupillari excludatur mater à successione juxta L. 8. §. 5. c. de inoff. testam. adeoque nil obster, quod minus idem dicatur in substitutione quasi pupillari. Denique defcientibus etiam fratribus, ad nales alias certas personas substituendas tenentur parentes, sed pro libitu substitui possunt quicunque substitutionis capaces extranei, ita ut etiam illis vitricus à matre recte substituatur. Lauterb. cit. §. 44. Muller. l. c. Lit. y.

4. Resp. ad quartum: in ceteris modis substituendi exemplariter idem est, qui substituendi pupillariter, ita ut licet non requiratur certa verborum formula, debeat tamen per modum institutionis fieri verbis civilibus directis, in quo differt à substitutione commissoria. non tamen necesse est exprimi causam substituendi faciendo mentionem expressam furoris vel amentiae; cum eo ipso, quod furioso vel amenti aliis substituatur, presumatur substitutio exemplaris, ubi tales substituuntur, quales juxta. L. 9. c. de impub. & al. sub. substitui debent. ita Covar. de testam. c. 16. §. 6. num. 9. Menoch. L. 4. præsump. 49. num. 2. Zafius ad L. ex facto. ff. de vulg. num. 35. His tamen non obstantibus, quin fieri possit expressa mentio de amentia. V. g. filio meo furioso substituo cajum. vel etiam expressa conditione. V. g. filium furiosum hæredem instituo, & si heres erit, & in furore deceaserit, illi substituo cajum, qua tamen verba addi necesse non est; cum tacite subesse credantur, plures istiusmodi formulas vide apud Muller. l. c. Item requiratur, ut parens prius faciat sibi testamentum instituendo filium furiosum, & dein filio, quem scit non recaſurum in potestatem alterius. Item ad formam illius spectat, quod debeat hæreditas testatoris adiri. & quidem si sit hæreditas matris vel alterius extranei per furioso curatorem juxta L. 7. §. 3. c. de furioso curatore. Si vero sit hæreditas patris, ipso jure adita intelligatur. cit. L. 7. §. 2. cum suis ipso jure sit hæres, & non tam acquirat hæreditatem, quām retineat legi potestate sibi debitam. §. 2. Inf. de hered. qualit. & different. Muller. l. c. Lit. a.

Quæst. 63. Quis sit effectus substitutionis exemplaris?

R Esp. effectus ferè eosdem habet, quos substitutio pupillaris; nimirum ut condicione existente nempe si liberi furiosi hæredes extiterint, & in eo morbo deceaserint, substituti non tantum testari, sed etiam prædictis personis succedere possint jure hæreditario in omnibus bonis ab iis acquisitis undecunque. Covar. l. c. num. 10. Bart. in L. ex facto. c. de vulg. num. 30. Ludvvel. p. 2. c. 2. de ult. volunt. Lauterb. §. 45. Reiffenst. b. t. num. 588. cum communi. Arg. L. 9. c. de impub. & al. sub. §. 1. inf. de pupil. subst. Item ut sicut pupillaris, & exemplaris contineat tacitam vulgarem, ac proinde in casu, quo filius hæreditatem non adit, substitutus nihilominus capiat bona. Zafius tr. de succeſ. c. 3. Ludvvel. l. c. Schneidev. L. 2. iii. 16. §. de exempl. subst. quos citat & sequitur Reiffenst. l. c. An vero effectus quoque substitutionis exemplaris sit, ut vi illius excludatur mater à successione in bonis filii furiosi etiam quod ad legitimam sicut excluditur per pillars à successione in bonis filii impuberis, controvertunt AA. de quo vide

vid. dicta. q. praece. resp. 3. citatosque pro utraque sententia AA.

Quæst. 664. Qualiter exspiret substitutio exemplaris.

1. Resp. primo in genere: in quibus casibus exspirat seu celsat vera pupillaris substitutio, in iisdem etiam exspirare substitutionem quasi pupillarem, cum communis dicitur. Zalios. tr. de subst. c. 3. vers. septima partic. Barry. l. 5. tit. 9. Stru. in ff. de vulg. th. 37. Lit. y. Muller. ibid. Resp. Secundum in specie: exspirat agnatione sui hereditis, sive dum filio amenti post substitutionem nascitur proles legitima. l. 43. ff. de vulg. Muller. l. c. Lauterb. l. c. §. 46. secus, si nascatur ei proles illegitima. §. 2. Inst. de hered. qual. & differ. junctal. 9. c. de natural. liber. Muller. l. c. nisi substitutio facta sit à matre filiae amenti. Arg. l. 19. ff. de stat. hom. Add. in compend. subst. tr. in prelud. p. 4. 9. 1. Muller. l. c. Tertiò confirmatione testamenti principalis. §. 5. Inst. de vulg. Muller. Lauterb. LL. cit. Quartò, si cedente substitutionis die, substitutus factus est incapax, vel tamen ante institutum heredem insipientem mortuus fuerit. l. 59. §. 6. ff. de hered. institut. l. 91. ff. de acquir. hered. Quintò, si furiosus tempore lucidi inter valli faciat, uti potest, testamentum; eum eo ipso, quod tale testamentum valeat, necesse sit substitutionem ei contrariam evanescere. Mantic. de conject. ult. vol. l. 1. tit. 16. n. 26. Zal. cod. l. ex facto, ff. de vulg. Ludvvel. l. c. Arg. cit. L. ex facto. Sextò ac pricipiè, si institutus ab amentia aliave infirmitate reddente incapacem testandi liberatus fuerit. §. 1. Inst. de pupil. subst. reconvenientia tamen non solum ad breve tempus, sed stabiliter, vel saltem ad notabile tempus post mortem substitutus duratura; cum tali casu celsat causa finalis hujus substitutionis redeunte potestate condendi testamentum. Perez in eod. de impub. subst. n. 39. Haunold. de 7. & 7. tr. 7. n. 121. Mantic. l. c. n. 24. Menoch. l. 4 præsum. 10. Secus si statim aut ad breve tempus relabatur in pristinam infirmitatem; tunc enim non tam censetur extincta substitutio, quam celsare solum ad tempus, ac veluti suspendi. Gomes. Tom. 1. var. c. 6. num. 7. Covar. de testam. c. 16. §. 6. num. 11. Menoch. l. c. præsum. 50. num. 6. Jason. in L. ex facto ff. de vulg. num. 43. Zal. l. c. quavis, sive ad breve, sive ad longum tempus duret reconvenientia, non omnino esse extinctam substitutionem afferant alii. quam sententiam veriorem & receptiorem apud Muller. l. c. Lit. b. dicunt Valsq. de success. progr. Tom. 2. §. 17. num. 48. Sichard. ad l. 9. c. de vulg. Barry. l. 5. tit. 9. num. 3. distinguit etiam hoc ipsum de redeunte infirmitate. Bardil. d. de subst. Justinian. & Lauterb. cit. §. 46. ita ut si redeat viventibus parentibus testatoribus, non censetur extincta substitutio; eo quod illa à morte testatoris vires accipiunt. quod indubitate dicunt Bardil. l. c. Bachov. ad Treutl. vol. 2. d. 11. th. 10. Lit. F. Secus; si redeat post mortem parentium.

Quæst. 665. Quid & quotuplex sit substitutio militaris?

1. Resp. ad primum: substitutio hæc (qua & privilegiata) dicitur, qua militi ex speciali favore utpote causa impulsiva concessa. l. 5. ff. de vulg. junctal. 1. ff. de testam. milit. Lauterb. §. 47. & hinc tanquam exorbitans extendenda non est ad milites togatos, puta Doctores, Advocatos, nisi forte in hotico existentes. Tabor. de subst. c. 5. th. 7.) explicatis describi potest, quod sit substitutio, qua milites etiam de bonis non castris & extra castra

R. P. Lear. Jur. Can. Lib. III.

P P P redem